

COMITATUS BRIENSIS,

vulgo

COMTE DE BRIE.



Origo no-
minis.

Ampaniæ contiguus est comitatus Briensis. Huic Heurepense territorium, quod initium capit ad Sequanam, sub ponte Parisiensi, qui Parvus cognominatur, ac iuxta eum fluvium procurrit Corbolum, Melodunum, & Moretum, ubi Verina amne, qui in Lonium se exonerat, sejungitur à Gastinensium agro. Adhæret Briensibus, ubi respicit Fanum cui cognomen à S. Columba grandi apud Senones. Meminit Brionensium Nithardus libro primo de dissensionibus filiorum Ludovici Pii. Gallis tractus hic *Pais de Brye* vocatur. De origine ac causa nominis controvertitur. *Abri* Francica lingua *umbram* inter alia significat, & *opacitatem*, locumque quo venti non perflant. Quum autem omnia hic sint opaca, fructiferisque confita arboribus, nusquam non, si vel pluvia ingruant subitæ, vel nimius Solis ardor adurat, umbrosa se offerunt loca, quorum beneficio vel incolæ, vel viatores gratam auram captare, seque inopacare, quod Gallis *se mettre à l'abri*, consueverunt. Alii, quod longe nimis petum, ac contra historiarum est fidem, à Sicambris, quos hic volunt habitasse, *uar' a'Qa'p'et'w* derivant. Initium illi ad Cretelium pagum, haud procul ponte Charentonio, ubi Matrona Sequanæ miscetur, quorum ille Campanos, hic Gastinenses à Briensibus separat. Est autem pons ille Charentonius haud procul Parisiis, vicus non ignobilis, ubi echo auditur quæ decies aut duodecies humanam vocem reddit, quæque, quod admiratione dignum majore, quadrissyllabum integre & perfecte, quater quinquiesque resonat; quo fit ut legati principum, magnique proceres & juventus tota eò confluat, oblectationem animi singularem ex illo vocum sono percipiens. Quicquid ergo inter hæc duo flumina, Matronam & Sequanam, est interjectum, id ferme omne ad Burgundiæ usque ducatum Briensibus adscribi solet. Manet nomen regionis in oppido, quod vulgo *Brye*, vel *Bray* in ipso Sequana positum, vocari solet *Bray Comte Robert*, sic dictum à Comite Roberto, Briensium quondam Principe, cui hic erat domicilium. Per Petrum Drocensem Britannicæ

Oppidum
Brye.

Gallia.

familia accessit: per Blancam attem, Ioannis secundi Ducis Britannia filiam, ad Philippum Artesium, è quibus Margareta nata, uxor Ludovici Comitis Ebroidensis. Post mortem Philippi Ducis Aurelianensis, qui hæredem duxerat, Carolus VI eundem fratri suo Ludovico Duci Aurelianensi concessit: atque ita per Ludovicum XII cum regio patrimonio confusus fuit.

Flumina Briam irrigantia sunt *Vrca amnis*, *Flumina*, qui *Assium* vicum alluens apud Moncellas regiam domum amœnitate nulli imparem effunditur, una & amplius leuca à Meldensium civitate. Aimoinus lib. 4. cap. 41, *Autoenus*, inquit, *fabricavit monasterium intra Brigensem saltum, quod Hierusalem ab eo quidem nominatum, verum à fluvio super quem est situm Resbacense nunc dicitur*. Morinus amnis *Morinir*, per *Columniacum*, *Cresciacum*, ac *Colinnum* pontem virginum Cisterciensis ordinis, quæ *Domina* vulgo appellantur, fluit, apud portum Condensem navicularum patiens. Quinquaginta enim cadorum qui vino pleni sunt, aut alio liquore seu materia, onus patitur. Irrigat etiam campos Pruvino oppido proximos, eoque fertiliores reddit, ac prope Laliviæ in Matronâ excurrit. *Sequanæ* autem à confluentibus Lutetiam Parisiorum fluens primum alluit vicinam ripæ domum, ubi echo illa mirabilis auditur. *Bibara Bieurer* in Sequanam labitur, sic dictus à *Bibara* nobili vico in agro Parisiorum. Patrum memoria hic fluviolus dici *Gobelinus* cœpit, à nomine Ioannis Gobelini, accolæ huius amnis. Oritur apud *Iancurtium* nobilis Parisiorum agri vicum. *Trappas inter* & *Caprofiam* non ignobilia loca fluit, nec procul à Montimino, inde *Butium*, quod abest à fonte *Bibara* leuca una & dimidia, mox descendit usque ad moletrinam, quæ in vallē *Betina* est, ibique tenuem rivulum, cum *Iovium* accedit; recipit, actum ad stagnum Boveriorum. Inde distractus mille passus, & aliquanto amplius auctus aquis *Igniacum* & *Antoninum* vicos petens, *Bibara* nomen accipit. postea *Burgum* Reginae defluens, acceptis jam aliquot sed tenuibus rivulis, *Gentiliacum* defertur, Parisiensis Episcopi amœnissimum recessum, ubi Synodus olim habitata est. Tandem in suburbium S. Marcelli Lutetiam veniens, locum tingendæ purpuræ aptissimum, in Sequanam flumen influit, & cancrorum infinita copia abundare experti sunt agricolæ *Iovii*

R

piscari